

# Nunatta Qitornai

## Inatsisartuni



06. november 2018

UKA2018/41

**Nunatsinni aatsitassarsiornermi uranimik aatsitassallu allanik ulorianartunik qinngornertalinnik saniatigut tamakkiisumilluunniit paaasoqarsinnaalissanersoq pillugu innuttaasunik taasititsisoqarnissaanik siunnersuut, taasititsinissarlu sioqqullugu inuit ilisimasanik tamakkiinerusunik tunngavisseqqullugit arlaannaannut attuumassuteqanngitsumik suliamillu ilisimasaqarnermik iluinnaasiunngittumillu tunngaveqartumik paasititsiniaanerit aallarteqqullugit Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.**

(Aleqa Hammond, Nunatta Qitornai)

IA-ip inatsisartuutitaasa aatsitassat uranitallit pillugit paaasoqarsinnaasoqassanersoq pillugu innuttaasunik taasititserusupput.

Nuna manna demokratiskiumik ingerlatsiviusoq, tassa tamat oqartussaaqataanerannik tunngaveqarpoq tamannalu inatsisartoqarnikkut atuuppoq. Inuit qinikkatut issiaterusutatik, politikikkut katersuuffigerusutatik aammalu siunnerfinnik ersarissumik siunnerfeqarsorisatik qinerlugit nunamik aquttussaminnik toqqaasarput.

Nunap inuisa nunamik pisuussutai atorluassavai nunap inuisa imminut napatissinnaasunngorlugit atugassiaammata piginnittuummatalu.

Nunap inuisa pisuussutertik ersisaarutigingu isumatusaartumik atussavaat innuttaminut iluaqutisangorlugu. Nunap inuisa pigisatik isummersorfigissavaat isumatusaartumik. Nunap inuisa pigisaminnik aaliangersaasinnaasuussapput kinguaassat imminut napatissinnaasut pilersikkumallugit. Nunap inuisa sinniisumik anguniagaannut tunuliaqutsiisapput nunartik pillugit.

Anguniakkat erseqqissut, siunnerfiit erseqqissut aammalu inuussutissarsiorsinnaanikkut aqutissat erseqqissut inuiaqatigiinnut sassaalliutigineqarlutik qinersisartuminnut apuuttarpaat.

Tassa taamaappoq demokratiimik tunngaveqarluni inuiaqatigiinnut sullittussat tunngavii qinersisartut toqqissillutik toqqarsinnaasaannik aallaavilik.

Inuiaat ataqatigiit ilisarnaativissuat tassaavoq allatut isumaqaraanni taava avissaartuunnersuarmik oqartarlutik. Allatut isumaqarnek ajunngilaq. Allatut isumaqaraanni isumaqalersitsiniartarnek avissaartuunnissaarsuaq, isumaqanngilanga inuiaqatigiit toqqaasimanerinek isummersortussaminnut, aqutsisussaminnut aammalu anguniagaannut ataqqinninnerusoq. IA-kkunniit allaanerungaartumik isumaqartoqarsinnaavoq soorlu aamma IA-kkut allaanerungaartumik allaniit isumaqarsinnaasut, tamanna namminerisamik ajunngilaq.

# Nunatta Qitornai

## Inatsisartuni



Inatsisartuni amerlanerussuteqartut aaliangiinerat ataqqisassaavoq ataqqivarpullu. Inatsisartut inatsisartuni amerlanerussuteqartut aaliangiinerat aallaavigalugu ingerlatsineq akueraarput tunaartaralugulu. Aaliangiinerit aaliangerneqareersut allatut inerreqarumaarnissaanik kissaateqarneq namminerisamik apeqqusinngilarput kisiannili isumaqanngilagut inatsisartut aaliangereersimasai apeqquserlugit allatut aaliangiisitsisarniarnerit isumaqataaffiginngilagut. Allatut isumaqarneq ajoriffissaqartinngilarput namminerlu aaliangiisimaneq isumaqataaffiginngikkaanni killormuanik siunnersuteqartoqarsinnaavoq sulissutigalugulu amerlanerussuteqalersinnaaneq. Amerlanerussuteqarsinnaanngikkaanni innuttaasut taasitneqarneratigut isumaqarpugut amerlanerussuteqartut isummersimanagerat akerlilerlugu allatut isummersitsiniarneq. Qinikkatut suliassarput suliarissuarput, tassalu aaliangiinerit pisariaqartut aaliangissallugit innuttaasut sinnerlugit, innuttaasut sinnisorimmatigut.

Taamanikkut 2013-mi uranitalinnik attueqqusinngilluinnarnerup atorunnaarsinneqarnerata kingorna IA-kkormiut inatsisartuni naalackersuisuniluunniit uranitalinnik attueqqusinngilluinnarnerup eqquteqqinnissaanik nipeqarsinnaasumik siunnersuusiornikuunngillat massa aatsitassanut naalackersuisuutitaqaraluarlutilluunniit tamanna qaqqinngilaat.

Nunatsinni aatsitassanut inatsit erseqqissuuvoq, toqqissisimasumik sinaakkutissiisoq. Tamanna aatsitassarsiornermi suniluunniit malinneqassaaq, taamaanngippat aallartitsisoqassanngilaq.

Nunap aqunneqarnerani isumaqataaffiginngisat tamaasa inuiaqatigiinnut taasissutigisalerniarutsigit inatsisartoqarneq sumiilissava. Aaliangigassat aaliangertariaqartut aaliangertassapput. Ilaatigut ilai isumaqataasut ilai isumaqataanngitsut.

Qulequttanut isumaqataaffiginngisat pineri tamaasa taasititsisalissuugut? Naamik taamatut isumaqanngilagut. Isumaqarpugut siunnersuutip arlaleriarluni qaqqinneqartareersoq, pinerillu tamaasa inatsisartuni amerlanerussuteqartut taasinerikkut amerlanerussuteqartunit ilalernerqarneq ajorpoq. Tassa taamaappoq.

Isumarput erseqqippoq, ilaasa isumaqatigissanngilaat tamanna namminerisamik ajunngilaq. Allatut isumaqarneq ataqqivarpur.

Siunnersuut tapersinngilarput.